

**CONVENIO DE COLABORACIÓN ENTRE A CONSELLERÍA DE CULTURA,
EDUCACIÓN E UNIVERSIDADE E A FUNDACIÓN EMPRESA-UNIVERSIDAD
GALLEGA (FEUGA) PARA A COLABORACIÓN NO DESENVOLVEMENTO DE
PROXECTOS DE FORMACIÓN PROFESIONAL DUAL POLO RÉXIME DE BOLSAS**

REUNIDOS

Dunha parte, don Román Rodríguez González, conselleiro de Cultura, Educación e Universidade da Xunta de Galicia, en representación desta e de conformidade coas atribucións conferidas no Decreto 112/2020, do 6 de setembro, do seu nomeamento, no Decreto 198/2020, do 20 de novembro, polo que se establece a estrutura orgánica da Consellería de Cultura, Educación e Universidade e no artigo 34.1 da Lei 1/1983, do 22 de febreiro, reguladora da Xunta e da súa Presidencia.

E doutra, en representación de FUNDACIÓN EMPRESA-UNIVERSIDAD GALLEGA (FEUGA), don -----, director xeral, con poder suficiente para este acto, en virtude de escritura pública nº 963 outorgada o 19 de outubro do 2.009, ante o Notario do Ilustre Colexio de Galicia, con residencia en Ferrol dona -----

Interveñen en función dos seus respectivos cargos no exercicio das facultades que en nome das entidades que representan, teñen conferidas e,

EXPOÑEN

1. Que a Lei Orgánica 2/2006, do 3 de maio, de Educación, determina no artigo 39 que a formación profesional, no sistema educativo, ten por finalidade preparar aos alumnos e as alumnas para a actividade nun campo profesional e facilitar a súa adaptación as modificacións laborais que poidan producirse ao longo da súa vida, así como contribuír ao seu desenvolvemento persoal e ao exercicio dunha cidadanía democrática.
2. A Lei orgánica 5/2002, do 19 de xuño, das cualificacións e da formación profesional, especifica nos artigos 6 e 11.3 que a colaboración das empresas no desenvolvemento do Sistema Nacional de Cualificacións e Formación Profesional se desenvolverá, entre outros ámbitos, mediante a súa participación na formación do alumnado nos centros de traballo, favorecendo a realización de prácticas profesionais dos alumnos e das alumnas nas empresas e noutras entidades, e deberán establecerse os mecanismos axeitados para que a formación que reciba financiamento público poida ofrecerse por centros ou directamente polas empresas, mediante concertos, convenios, subvencións ou outros procedementos.
3. Que o Decreto 114/2010, do 1 de xullo, polo que se establece a ordenación xeral da formación profesional do sistema educativo de Galicia, na súa disposición adicional segunda, contempla que a consellería con competencias en materia de educación promoverá a colaboración coas empresas e entidades empresarias e, en particular, coas máis implicadas en sectores clave da economía galega e as relacionadas cos sectores emerxentes. Esta colaboración ten como finalidade, entre outras, a posibilidade de impartir módulos profesionais incluídos en títulos de formación profesional nas instalacións das empresas, co fin de garantir que a

formación se realice cos equipamentos máis actuais, así como a actualización profesional. Esta colaboración formalizarase mediante convenio.

4º. O Real decreto 1529/2012, do 8 de novembro, polo que se desenvolve o contrato para a formación e a aprendizaxe e se establecen as bases da formación profesional dual, pretende crear as bases para a implantación progresiva da formación profesional dual en España, entendida como o conxunto de accións e iniciativas formativas que teñen por obxecto a cualificación profesional das persoas, combinando os procesos de ensino e aprendizaxe na empresa e no centro de formación, propiciando unha participación máis activa da empresa no propio proceso formativo do alumnado e, daquela, permitir que estas coñezan de xeito más próximo a formación que reciben, cada vez máis adaptada ás demandas dos sectores produtivos e ás necesidades específicas das empresas. Neste sentido, a empresa e o centro de formación profesional estreitan os seus vínculos, unen esforzos e favorecen unha maior inserción do alumnado no mundo laboral durante o período de formación.

Así mesmo, establece que terán a consideración de formación profesional dual os proxectos desenvolvidos no ámbito do sistema educativo, coa coparticipación dos centros educativos e das empresas, cando non medie un contrato para a formación e a aprendizaxe. Estes proxectos formalizaranse a través dun convenio de colaboración entre a Consellería de Cultura, Educación e Universidade e a empresa colaboradora, e empregarase un réxime de bolsas.

5. A Fundación Empresa–Universidad Gallega (FEUGA), constituída o 11 de abril de 1983, é unha fundación de interese galego recoñecida pola Orde de 1 de agosto de 1984 (DOG do 26 de outubro), inscrita no Rexistro de Fundacións da Xunta de Galicia co número 155, e foi fundada polas tres universidades galegas e as entidades públicas ou privadas, agrupacións, cámaras de comercio e

confederacións empresariais asinantes da súa carta fundacional. Entre os seus membros, FEUGA conta con numerosas empresas e entidades empresariais de todos os sectores da economía galega, entre elas dos sectores clave da economía e referidas a sectores emerxentes para a economía galega.

6º. Asemade, FEUGA, como entidade de dereito privado, sen fins lucrativos e dedicada ao desenvolvemento da economía e da sociedade de Galicia, ten entre os seus fins fundacionais o da promoción, a protección e o fomento de todas as clases de estudos e investigacións, para a consecución do cal levará a cabo o financiamento de programas concretos de bolsas de estudio ou investigación e procurará a colaboración entre as empresas e as institucións públicas de cara a facilitar a presenza se alumnado na empresa, co fin de mellorar a súa formación e a adquisición de experiencia en actividades profesionais.

7º. FEUGA promove desde a súa creación, como unha das súas actuacións prioritarias consonte os seus fins fundacionais, a formación práctica de persoas tituladas e estudiantes do sistema educativo galego a través dos seus programas de bolsas de formación (PBF, PBE e PBFP), co fin último de conseguir un achegamento e a necesaria interactuación entre o mundo laboral e o sistema educativo, cos con-sequientes beneficios para ambas as partes.

8º. As partes coinciden en salientar a necesidade de fomentar a formación profesional dual como xeito de incrementar o número de persoas que poidan obter un título de formación profesional, de facilitar a inserción laboral como consecuencia dun maior contacto coas empresas e de incrementar a vinculación e a corresponsabilidade coa formación profesional por parte do tecido empresarial, o que ha poder contribuír directamente a formar os futuros profesionais que necesita.

9º. A experiencia de FEUGA nos seus programas de bolsas de formación, como consecuencia do grande interese que amosa por eles o tecido empresarial galego, lévaa a decidir, en cumprimento e desenvolvimento dos seus fins, a colaboración activa coa Administración competente para a posta en marcha de programas de formación profesional dual nos que participen as empresas e entidades empresarias membros ou que colaboren cos fins de FEUGA, así como para a posta en marcha dun programa de bolsas de formación para o alumnado da formación profesional dual, que facilite a posibilidade para os alumnos e as alumnas de obteren un título de formación profesional.

10º. Neste marco, a Consellería de Cultura, Educación e Universidade e FEUGA resaltan a necesidade de uniren esforzos, mellorando o aproveitamento dos recursos e os medios dos que cada unha dispón, para daren un impulso á implantación da formación profesional dual no tecido empresarial galego, e acordan a subscrición dun convenio de colaboración para impulsar e apoiar as actuacións que se dirixan á posta en marcha do réxime de bolsas de estudiantes de FEUGA nos programas de formación profesional dual nos que participen empresas e entidades empresariais e os centros docentes autorizados para impartir ciclos formativos de formación profesional dependentes da Consellería de Cultura, Educación e Universidade.

11º. Obxecto do presente convenio de colaboración é establecer as condicións xerais polas que se rexerá a colaboración entre a Consellería de Cultura, Educación e Universidade e FEUGA para a implantación do réxime de bolsas a estudiantes nos proxectos de formación profesional dual no sistema educativo, cando non medie un contrato para a formación e a aprendizaxe.

En consecuencia, as entidades asinantes, de conformidade co exposto, formalizan o presente convenio de colaboración de acordo coas seguintes,

CLÁUSULAS

Primeira. Obxecto do convenio

O obxecto deste convenio é a colaboración entre a Consellería de Cultura, Educación e Universidade e FEUGA, para o desenvolvemento e a aplicación dun réxime de bolsas FEUGA nos proxectos de formación profesional dual que autorice a Administración educativa mediante convenio con empresas colaboradoras, dentro do marco para o desenvolvemento de proxectos de formación profesional dual no sistema educativo.

Segunda. Implantación e aplicación do réxime de bolsas

A implantación e a aplicación do réxime de bolsas, con suxección ás condicións e ás características recollidas no presente convenio de colaboración, terá lugar mediante a inclusión no proxecto de formación profesional dual que se autorice e formalice entre a Consellería de Cultura, Educación e Universidade e a empresa colaboradora, da previsión de que o alumnado disporá dunha bolsa a través do réxime de bolsas de FEUGA.

O réxime de bolsas destinado aos proxectos de formación profesional dual é un mecanismo de natureza extralaboral, pensado co fin de beneficiar directamente as propias persoas bolseiras, para recibiren a formación necesaria para a obtención dun título de formación profesional de FP Básica, de grao medio ou de grao superior, programas formativos ou, de ser o caso, acreditación parcial acumulable. O programa de bolsas de formación de FEUGA cumpre os requisitos previstos no artigo 1 do Real decreto 1493/2011, do 24 de outubro, polo que se regulan os termos e as condicións de inclusión no réxime xeral da Seguridade

Social das persoas que participen en programas de formación, polo que a devandita norma resulta de aplicación.

Terceira. Características do programa de bolsas de formación de FEUGA e compromisos das partes

Para os efectos do disposto nas cláusulas anteriores, nos supostos en que as empresas que asinen convenios coa Consellería de Cultura, Educación e Universidade para colaborar en proxectos de formación profesional dual opten por incluír un réxime de bolsas para os estudiantes aos que se refire o proxecto de formación, o devandito réxime de bolsas será o das bolsas de formación profesional de estudiantes de FEUGA. O réxime de bolsas estará suxeito ás seguintes especificidades:

- a. A empresa, en virtude da sinatura do convenio coa Consellería de Cultura, Educación e Universidade, adquirirá o estatus de entidade colaboradora do Programa de Bolsas Formación Profesional Dual (PBFPd). A Administración Educativa informará a FEUGA das sinaturas de convenios con empresas para desenvolver proxectos de formación profesional dual no réxime de bolsas.
- b. Para a efectividade da bolsa, as empresas ó amparo de previsto no artigo 25 da Lei 49/2002, do 23 de decembro, do réxime fiscal das entidades sen fins lucrativos e dos incentivos ao mecenado, colaborarán aportando a cantidade económica estipulada no convenio asinado entre a empresa e a Consellería de Cultura, Educación e Universidade. Os ingresos deberán facerse efectivos nun número de conta da que é titular FEUGA e do que será informada a empresa.
- c. Para os efectos do disposto na Lei 49/2002, do 23 de decembro, do réxime fiscal das entidades sen fins lucrativos e dos incentivos fiscais ao mecenado, FEUGA expediralle á empresa a certificación da aportación

económica á que alude o artigo 24 da lei, no momento en que esta se fixer efectivo.

- d. Para a efectividade do réxime de bolsas, as empresas colaboradas e as persoas bolseiras deberán, en todo momento, cumplir os requisitos establecidos na normativa que regula os proxectos de formación profesional dual e nos convenios asinados entre empresa e Administración educativa, dos que se entregará copia a FEUGA a fin de que, xunto cos informes do seguimento que no seu caso se efectúen, poida levar a cabo tanto a efectividade da bolsa coma o control do cumprimento do réxime da mesma.

Cuarta. Publicidade e información

FEUGA obrígase á realización das accións obxecto deste convenio de colaboración e a facer constar en calquera tipo de publicidade e información que realice ao respecto a participación e a colaboración da Consellería de Cultura, Educación e Universidade.

Quinta. Exclusión de relación laboral da Consellería de Cultura, Educación e Universidade

A subscrición do presente convenio de colaboración non supón relación laboral contractual nin de calquera outro tipo entre os profesionais que vaian desenvolver as actividades e a Consellería de Cultura Educación e Universidade, de tal xeito que non se lle pode esixir responsabilidade ningunha, nin indirecta nin subsidiaria, polos actos ou feitos acontecidos no desenvolvemento deste.

Sexta. Comisión de seguimiento

Crearase unha comisión de seguimento, control e supervisión, que se reunirá cando se considere oportuno por calquera das partes asinantes e estará formada

por dous representantes por cada unha das partes, que velará polo correcto desenvolvemento do presente convenio. Os/as membros desta comisión serán nomeados, respectivamente, polas partes asinantes deste convenio.

A comisión ditará as súas propias normas internas de funcionamento e deberá reunirse sempre que sexa necesario para o bo fin da colaboración. Entre outras, á comisión corresponderánlle as seguintes funcións:

- a. Propor actuacións concretas de colaboración
- b. Preparar as addendas ou os anexos de execución do presente convenio de colaboración sobre as modalidades de colaboración recollidas nel.
- c. Realizar o seguimento das actuacións específicas que se levan a cabo, así como aclarar e decidir cantas dúbihdas poidan xurdir na súa interpretación e execución.

De consideralo de interese para os obxectivos e o desenvolvemento do convenio, as partes asinantes poderán invitar ás súas reunións a representantes das ensinanzas de formación profesional de Galicia, pola súa condición de persoas más próximas aos receptores finais dos programas e das accións que abrangue o convenio.

Sétima. Protección de datos

De conformidade co disposto na Lei orgánica 3/2018, do 5 de decembro, de protección de datos persoais e garantía dos dereitos dixitais, e co Real decreto 1720/2007, do 21 de decembro, polo que se aproba o Regulamento de desenvolvemento da Lei Orgánica 3/2018, de 5 de decembro, de Protección de Datos Persoais e garantía dos dereitos dixitais, as partes integrantes deste convenio que por razón das actividades formativas teñan acceso a datos de carácter persoal, non disporán dos mesmos con finalidade distinta á esixida polas accións formativas.

Neste sentido, haberá que atender ao contemplado no Regulamento (UE) 2016/679

do Parlamento Europeo e do Consello de 27 de abril de 2016 relativo á protección das persoas físicas no que respecta ao tratamento de datos persoais e á libre circulación de estes datos e polo que se derroga a Directiva 95/46 CE (Regulamento xeral de protección de datos).

Oitava. Publicidade do convenio, transparencia e bo governo

A firma deste convenio suporá o consentimento expreso do interesado á administración para incluír e facer públicos os datos referidos ao convenio de conformidade co artigo 15 da Lei 1/2016, do 18 de xaneiro, de transparencia e bo governo, co artigo 8 da Lei 19/2013, do 9 de decembro, (BOE 10-12-2013) de transparencia, acceso á información pública e bo governo e co Decreto 126/2006, do 20 de xullo, polo que se regula o Rexistro de Convenios da Xunta de Galicia.

Novena. Vixencia do convenio

O convenio, tendo en conta o artigo 49 da Lei 40/2015, do 1 de outubro, de Réxime Xurídico do Sector público, entrará en vigor na data da súa sinatura, con efectos dende o inicio do curso académico 2021-2022, e terá unha vixencia de catro anos, podendo prorrogarse, por acordo das parte, mediante a addenda correspondente. A dita addenda terá unha vixencia máxima de catro anos e asinarase antes do remate do prazo de vixencia do convenio. Non obstante, o convenio poderá denunciarse por calquera das partes; a denuncia deberá realizarse por escrito con dous meses de antelación á data na que se queira poñer fin á relación entre as partes.

Décima. Carácter administrativo do convenio

O presente convenio posúe carácter administrativo por razón do contido e materias sobre as que o mesmo versa, as cales ao abeiro do disposto no artigo 4 da Lei 9/2017, do 8 de novembro, de Contratos do Sector Público, pola que se

traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, o exclúen do seu ámbito de aplicación, sen prexuízo da aplicación dos principios desta lei para resolver as lagoas ou dúbidas que a súa aplicación suscite.

Dada a natureza administrativa deste instrumento xurídico, as controversias ou cuestiós litixiosas que puideran xurdir na súa aplicación e non puidesen ser solucionadas no seo da comisión de seguimento, serán resoltas pola xurisdición contencioso-administrativa.

E, en proba de conformidade co exposto, as partes asinan o convenio na data da súa sinatura dixital.

O conselleiro de Cultura, Educación e
Universidade
Román Rodríguez González

O director xeral da Fundación Empresa-
Universidad Gallega (FEUGA)
